

**THEOREMATA  
CHRONOLOGICA. DE  
ANNIS MYSTICIS,  
QUÆ EX INDULTU  
AMPLISSIMÆ...**

---



THEOREMATA

Arithmetica

ALPHABETUM RUTENICUM

INSTITUTIONES RUTENICAE

## I. N. D.

**Q**uanti temporum computus inde à Veterum memoriâ æstimatus, quantaq; difficultatis iudicatus sit, vel ex eo colligendum datur, quod Populorum Hierophantes, Sacerdotes Vates. Brachmannes &c. utpote qui reliquos rerum scientiâ antecire æstimabantur, in eodem se exercuisse perhibeantur. Et verè rerum Chronologicarum difficultas in vigore summorum ingeniorum suam exercuit vim, adeo quidem, ut nec hodiernum dubiis sine possumus manere: quæ quidem numerosâ forent persequenda oratione, ni antipagamenti angustia id prohiberet. Unum autem ex tantâ copiâ non animò refutandi, sed nos ingenue exercendi depromemus; nempe illud ipsum, quod Dn. Hejlinus b. m. in scriptis suis, cum primis vero in Clavi temporum sacerorum, nec non Vindicijs de formâ annorum mysticâ proponit ac eruditorum choro exponit. Temporum Sol vos illuminet & in viâ veritatis informet!

De mystica divinorum annorum formâ Hejlinus ita sentit: Deum cum majora temporum metiendorum systemata condere veller, præter dies à cœli motu primo dependentes, motum cœli prorsus neglexisse & ad septenarium numerum sese convertisse, ac septimum diem septimanæ sacrum esse voluisse, procul dubio inter alias & hanc ob causam, ut nobis septenarium numerum commenderet, cum primis, quod ille ipse annorum hebdomades nimirum Periodam Sabbathicam & ex hæc 7. multiplicatâ fluentem Periodam Jobelæam instituerit insuper in incarnationis filii sui mysterio per solas annorum hebdomades Dan: 9. tempora metitus sit: Item Tempus memoriale quietis divinæ habere ex instituto divino hanc inseparabilem proprietatem, ut sit multiplex illius temporis. Hinc septenarius seu Radix in se ducta producit 49 d. scilicet, mensem mysticum, qui cum 7 multiplicatus efficit 343 d. sive annum mysticum. Hanc formam anni vult autor non esse quarendam; in annis civilibus quia pendeant ab instituto divino 2. oriantur ex plenitudine scientiæ divinæ 3. sint perpetui & constantes 4. omnis vitii

expertes, cum contra omnes civiles sint arbitrii humani, deinde ex Astronomiæ veræ ignorantia orti, mutabiles & inconstantes ac deniq; vitiosi. Quantitas autem horum annorum probatur inde, quia annus Sabbathicus nec major nec minor esse debeat, quam tempus laborum & fructuum *ἡς γεωργίας*, istud tempus autem minus quam 366 ac majus quam 49. esse necesse sit. Tandem res eò abie, quod in annis Sabbathicis & Jobelzsis nulla forma quâ mystici anni locum habere possit, idq; confirmari quia eventus maximò memorabiles in tales annos civiles incidant, qui cum mysticorum septennariis aut iidem aut iis quam proximi sint. Hactenus Hainlinianæ hypotheses, quæ examinandæ erunt.

(1.) Tantum abest, ut neglectus ille motus Luminarium in Scripturis fundatus sit, ut potius contrarium, cum ex ordinatione divinâ Gen. i. v. 14, Ps. 104. 19. descriptâ, tum ex non factâ, reprehensione divina computi Judaici in annis ordinandis Ecclesiasticis colligi possit. Judæos verò in hisce respexisse Luminaria. Excell. Dn. Strauchius Præceptor meus ætatem devenerandus, cum alibi tum imprimis in Dissertatione de anno Ebræorum Ecclesiastico accurate probat.

Deinde etsi Deus, die septimo ab opere creationis cessans, nobis septimum ad sanctificationem commendavit diem: non tamen ipsi numerum septennarium ad calculum Chronologicum instituendum observare præcepit, nisi mallems conjecturis niti, quam verbis Spiritus S. aperitis.

Porro est quidem proprietas memorialis temporis quietis divinæ, ab opere creationis, multiplicabilitas, quâ hebdomades dierum, ut ex commendatâ septimi septimanæ cujusvis diei sanctificatione manifestum est; ad menses tamen & annos se non extendit, ita ut septem hebdomades in menses & septem menses annum ex intentione divina constituere debeant.

Deum etiam in memoriam quietis suæ annum Sabbathicum & Jobelzum ordinalle, ut quemadmodum ipse sex diebus hoc mundi extruxit & exornavit theatrum, septimo verò die quievit, homines etiam ad imitationem præcepto adiecit: ita Israëlitarum possessores hereditarii terræ Canaan sex annis eandem colere & servitutem ac debitum

797.

bitum à servis debitoribusq; exigere, septimo autem ab hisce quiescere debeant, probabiliter dicitur: non verò legimus indigitarum, adèdè rigorosè in annis sacris septenarium observandum esse, ut annus Sabbathicus ex septem mensibus ejusmodi, qui ex radice sive septenario in se ducto ortum trahant, constet.

6.

Deniq; res est maximè controversa de septenario annorum Jobelzorum numero, cum juxta nonnullos, quod in confesso est, quinquagesimus annus Jobelzans sit. Concedamus tamen quemvis quadragesimum nonum esse Jobelzum, non tamen rectè colligitur: Quicunq; sancivit ut non tantum septimus quisq; dies, verum etiam ut septimus annus nempe Sabbathicus & septies septimus, Jobelzus nimirum, sanctificetur, adde qui etiam in mysterii incarnationis annorum revelatione septenarium adhibet, ille in computo temporum omni unice septenarium numerum attendendum cupit, ita ut septem dies in se ducti constituant mensem & septies septem menses annum, ac si consequenter. Non enim quò aliquis deleatur aut frequenter utitur, illud semper ipsum observari velle colligendum est, nisi hanc suam mentem esse, verbis manifestis declaret.

7.

Hactenus de principio quasi materiali & Radice annorum mysticorum, sequitur de forma sive dispositione eorundem, circa quam expendendum partim, num sint præcisè 343. dierum vel antæclægicima quantitas annorum sit, partim an anni Sabbathici & Jobelzi non sint querendi in annis civilibus, partim deniq; num hæc forma sit annorum Sabbathicorum & Jobelzorum.

8.

Primum si probatur per hoc, quod annus Sabbathicus nec major nec minor esse debuerit quam tempus laborum & fructuum 365 dierum, & quod hoc nec majus nec minus esse potuerit quam 343 dierum, committitur peritio principii. Magis probabile est ad benedictionem divinam esse respiciendam. Hæc autem tempus laborum vel auxit vel minuit, ita ut, agricultura & satio licet æquale tempus requirerint, messis tamen triturationis & vineæ putatio varum collectio & expressio nunc majus nunc minus tempus postularint. Dein probatio, quod nempe tempus majus esse debeat quam 49 & minus quam 366 nititur duplici falsa hypothese, tum quod 49 dies men-



mensē constituent, cum tamen ejusmodi mensis necia natura nec in Scriptura fundatus sit; tum quod anni Sabbathici non in vulgaribus annis querendi sint, de quo postea.

9.

Ad alterum respondemus, hanc collectionem in consequenter institutam esse: In quodcumq; illa quatuor requisita quadrant, quæ thesi prima ponatur illud in annis civilibus queri non debet. Festa enim Paschatos, Pentecostes, Scenopegias sunt divini instituti, oriuntur ex plenitudine scientiæ divini, sunt perpetui & constantes, omnisq; vitii expertes. Ergone in annis vulgaribus non sunt querendi, Conclusio esset contra ipsum Hejlinum. Dein annos vulgares vel dispositionem eorundem esse humani arbitrii est contra Dei sanctionem, qui annos à mense certo incipiendos mandavit, duodecim mensib. definivit Exod. 12. 2. festa q; ad eosdem alligavit. Tertiò si anni, qui ex ignorantia veræ Astronomiæ proveniunt, rejiciendi sunt, multò magis anni mystici erunt rejiculi, quia hi profusus nullum habent fundamentum Astronomicum. Deniq; hæc requisita annis mysticis convenire negamus, nam (1.) non pendunt ab instituto divino, quia nusquam Scriptura horum mentionem facit, quæ tamen unicum hujus rei esse deberet ptincipium: hinc ab autoritate negatâ hic rectè concluditur. Quæ autem prætexi solet autoritas divina nititur falsa hypothesi, sacros annos esse mysticos. (2.) ex plenitudine scientiæ divini profectos esse nemo negato primo requisito asseret. Præprimis cum ad sit (3.) maxima mutabilitas, quandoquidem principium eorundem per omnes menses vagatur. Et (4.) Si illi anni vitiosi judicandi, qui non exactissimè per omnia cum motu cæli conveniunt, quomodo iterum anni mystici absq; vitio esse possunt.

10.

Tertium (1.) non potest consistere cum fixo annorum Sabbathicorum & Jobelæorum principio Lev. 25. 9 notato, quod fuit 10 dies תשרי. Nam תשרי non h. l. celebrationem & sanctificationem sed promulgationem saltem ac denunciationem notare probatur quidem exercititudine annorum mysticorum sed frustra. Certitudinem enim nullam agnoscimus deficit enim diviua autoritas, de qua in præced. thesi dictum & omnis vacillat ex S. literis demonstratio, vaticiniorum etiam extra Scripturas apud Hebræos quæ leguntur de temporib. Messis discrepantia ab annis vulgaribus nos non tur-

bat

bat, siquidem illa non à *ἡρώδης* edita viris. Harmonia verò, quæ maxime rem hanc fulcire deberet, annorum mysticorum cum Julianis in eventibus præcipuis sacris partim communis est aliis Chronologis in supputatione communi, partim ruinoso nititur fundamento. Pundamentum est annum excidij urbis & templi Salomonici fuisse Jobelium, Hoc solet ex Jer. 34. 10. probari sive ex ibidem assertâ universali servorum manumissione & voce *וָרָרָר*. At Exod. 21. 5. etiam de anno Sabbathico servorum dimisso dicitur cum additamento, nisi servus in domo Domini manere malit quam in libertate degere: imo in ipso textu Jeremias septimum annum adducit. Vox *וָרָרָר* notante Buxtorfio, in genere quancunque libertatem notat, ideoq; ad solum annum Jobelium restringi nequit. Hoc fundamento remoto ipsa harmonia tollitur, quod confessum.

11.

2. Adversatur eidem collatio annorum Sabbathicorum cum annis *ἡρώδης* argumentatur: Quales fuerint anni *ἡρώδης* tales quoq; fuerint Sabbathici. Anni *ἡρώδης* fuerint vulgares. E. & tales fuerint Sabbathici. E. non fuerunt mystici.

Majoris connectio probatur: Quicunque anni ratione laborum *ἡρώδης* æquiparantur, illi habent eandem formam sive dispositionem. Anni *ἡρώδης* & Sabbathici ratione laborum *ἡρώδης* æquiparantur. E. Minorem primi ratiocinii ipsa ratio agrum collentis probat, quippe quæ requirit statâ tempora & tempestates.

12.

Menses cum constituant annum ex natura sive formâ mensium argumentantur: Cujuscunque anni Menses non sunt mystici, h. e. ex septenario in se ducto fluentes, illi ipsi anni non sunt mystici.

Ratio est, Quale non est principium tale nec principium. Annorum autem Sabbathicorum menses non fuerunt mystici. E. Nec ipsi anni Sabbathici erunt mystici.

Minor stabilitur sequentibus: (α) Quales fuerint menses annorum *ἡρώδης* tales quoq; fuerint menses annorum Sabbathicorum vith. ix.

Menses annorum *ἡρώδης* fuerint vulgares itidem ex th. 11.

E. & menses annorum Sabbathicorum: E. non mystici fuerint. (β) Quicunque ad celebrationem Paschæ observant Lunam illorum menses non fuerint mystici, quippi cum hî nihil commune habeant cum motu Lunæ. Judæi

Judæi celebrantes Pascha observarunt, E. anni ipsorum non fuisse mystici. Minorem inde firmam reddere possumus quod Paschatos festum decimo quinto à novilunio die celebrare divina lex ordinariis; in hunc ipsum autem incidisse plenilunium quantitas mensis lunaris evincit.

Nec tollit vim argumenti illud, quod festa annis civilibus fuerint alligata quodq; ratio temporis horum festorum in annis mysticis querenda sit. Nam (1.) distinctio inter festa & rationem temporis horum festorum absq; ullo fundamento saltem, excogitata est, ut saluum maneat mysterium annorum mysticorum. (2.) non concedi potest quod festa annis civilibus in rigore talibus fuerint affixa, habuerunt enim Judæi ex ordinatione divina annum Ecclesiasticum & in hoc sua festa. (3.) Si ratio temporis festorum in annis mysticis querenda, deberet ostendi proportio festorum in septenario fundata.

14.

(4.) Annuorum mysticorum cum annis vel indubitato vel ex confesso sabbathicis collatio, hanc formam respuit. e.g. Annus Exechie Regis Judæ 15, fuit Sabbathicus, quod patet tum ex 2. Reg. 19. v. 29, tum ex confessione B. Heinlini. Ex illo, quia decimo quarto anno regni Ezechie advenit Rex Assyriæ Sanherib oppugnandum urbes Judæ e. 18. 13. & Jerusalem. ibidem ac. c. 19, ideoq; hoc anno comederunt sponte germinantia ob belli injurias, sequenti verò etiam nec metere nec serere potuerunt, dicit quippe divinum oraculum & hoc anno sponte germinantia esse comedenda & tertio demum esse agrum colendum, annus ergò secundus fuit Sabbathicus. Ex hac, quia retrogradationem solis hoc anno incidisse fatetur. Hic autem annus fuit mundi 3234, cui respondet in Per. Jul. 3997. Cum hoc conferatur annus excidii templi Salomonici, qui ex testimonio multorum fuit Sabbathicus & ex confessione Dn. Mœplini & Dn. Heinlini 49 in cyclo Jobelæo. Hic fuit annus mundi 3359, ex domestico testimonio cui respondet. in Per. Jul. 4122. Subtractione facta 3234 à 3359 vel 3997 à 4122 remanent 125 anni, qui 31. Lustra & an. 1. conficiunt, dies 45656. Hi divisi per quantitatem cycli Sab. mystici 2401 reliquunt 37. sicut nec hunc numerum exacte metiuntur 49 & 7. E non conveniunt semper, in eventibus præcipuis anni mystici cum vulgaribus.

F I N I S.